

2deo SERIEAK 2023

1- AURKEZPENA

2deo SERIEAK Tabakalerako 2deo ikus-entzunezko laborategiak sustatutako programa bat da, telesailen sortzaileen proiektuak tutoretzan hartzeko eta babesteko.

Programaren helburua aukeratutako proiektuen kalitatea eta bideragarritasuna azpimarratzea da, telesailen proiektuak sustatuz, sortzaileei, gidoilariari, zuzendariei eta/edo ekoizleei laguntza eta babesa emanez.

2DEO SERIEAK programak honako hau eskaintzen du:

- Industriako profesional ezagunen aholkularitza indibiduala, proiektu bakoitzari egokitua.
- Formakuntza: Gidoi idazketa, narratiba berriak, ikus-entzunezko produkzio-ereduak eta eduki-plataformetan prestakuntza, besteak beste.
- Proiektuaren aurkezpena ekoizle, banatzaile edo inbertitzaileen aurrean; plataforma eta telebista-kanalen aurrean ere.
- 5.000€-ko laguntza ekonomikoa

Telesailen sortzaileentzako 2deo Serieak mentoretza-programak talentu berriak eta ibilbide profesionala duten pertsonak inplikatu nahi ditu, telesail-proiektu baten aldeko apustua egin dezaten, edozein formatu eta generokoa, nazioarteko anbizioarekin eta euskarazko ekoizpenarekiko interes bereziarekin. Edozein genero eta iraupeneko telesail-proiektuek har dezakete

parte, fikziozko telesailak eta dokumentalak barne, arreta berezia eskainita plataforma digitalei.

Deialdiaren bidez hiru proiektu aukeratuko dira, gutxienez bat euskaraz, eta horiek izango dira mentoretzaren xedea. Hurrengo hilabeteetan, aukeratutako pertsonak dossier sendo bat eta kapitulu pilotuaren gidoia prestatuko dute mentoreen laguntzarekin, eta ondoren SSIFF jaialdian ekoizle, banatzaile edo inbertitzaileekin partekatuko dute, bereziki plataforma eta telebista-kateekin.

Apiriletik irailera bitartean aurrez aurreko eta online saioak antolatuko dira, non talde bakoitzak gidoiaren analisia eta idazketa, proiektu bakoitzaren ekoizpen- eta banaketa-estrategia eta eszenaratzea jorratuko dituen.

Tabakaleran bi-hiru eguneko bi egonaldi planteatzen dira proiektuak tutoreekin lantzeko: Lehena apirilean, Crossover jaialdian zehar, eta bigarrena irailan, Zinemaldian zehar, non hautatuek euren proiektuak sektoreko eragile garrantzitsuei aurkezteko aukera izango duten.

2- PARTE-HARTZAILEAK

Programa telesail-proiektu baten sortzaileei dago zuzenduta: gidoilaria, bi gidoilari, edo ekoizle exekutiboari eta gidoilariaria.

Deialdian pertsona fisikoek hartu ahal dute parte modu indibidualean, deialdi honetan jasotako baldintzekin bat. Halaber, deialdian 2 pertsona fisikok hartu ahal dute parte elkarrekin; kasu horretan, Tabakaleraren aurrean proiektuaren ordezkaria izango den pertsona bat izendatu edo identifikatu beharko da, ondorio guztietarako.

Eskatzaile bakoitzak proiektu bakar bat aurkeztu ahalko du.

3- PROGRAMA ETA DIRU-LAGUNTZA

Proiektu bakoitza azpimarratzeko xedearekin, irailerako kalitate eta heldutasun handiena lor dezaten, programak honako hau eskaintzen du:



1. Banakako aholkularitza, proiektu bakoitzari egokitua. Proiektu bakoitza lagunduko eta aholkatuko duen tutorea behin proiektuak ezagututa hautatuko da.
 2. Gainera, industriako profesional ezagunek formakuntza eskainiko dute: Gidoi idazketa, narratiba berriak, ikus-entzunezko produkzio-ereduak eta eduki-plataformetan prestakuntza, besteak beste.
 3. Bidaia-gastuak, ostatua eta dietak Tabakalerako egonalieta.
 4. Garapenerako laguntza: Bi zatitan banatuko diren 5.000 euro, lehen zatia apirilean, proiektuak aukeratu ondoren, eta bigarrena programa amaitzean, Tabakalerarekin memoria partekatzean.
- Alde bakoitzak dagozkion zergak ordaindu beharko ditu, Espainiako indarreko araudiarekin bat. Bidezkoa bada, Tabakalerak dagokien atxikipena egingo die parte-hartzaileei edo ordezkariari, emandako laguntzaren zenbatekoaren gainean.
5. Nahitaezkoa izango da saio eta egonaldi guztietan parte hartzea.

4- DEIALDIA ETA HAUTAKETA PROZESUA

Proiektuak jasotzeko deialdia 2023ko urtarrilaren 16tik otsailaren 26ra izango da (eguerdiko 12: 00etan).

Martxoan jakinaraziko dira programan parte hartzeko hautatutako hiru proiektuak.

Proiektuak hautatzeko balorazio-batzorde bat osatuko da, Tabakalerako eta 2deo serieak programako ordezkariak eta sektoreko profesionalak osatua.

Hautaketa-prozesuan, batzordeak hautagaietako batzuk elkarrizketatu ahal izango ditu.

Proiektuaren kalitatea eta sormena lehenetsiko dira, baita egingarritasuna ere. Era berean, ikuspegi berritzailea proposatzen duen proiektuak baloratuko dira.

Izena emateko, online inprimakia bete eta txosten bat erantsi behar da PDF formatuan.

Ezinbestekoa da parte-hartzaileak deialdian eskatutako dokumentazio guztia aurkeztea.

5- IZEN-EMATEA ETA AURKEZTU BEHARREKOAK

Izena emateko, online inprimakia bete eta PDF formatuan txosten bat erantsi behar da, honako agiri hauekin:

1. orrialdea: proiektuaren fitxa teknikoa.

Izenburua
Baieztatutako ekipoa
Tagline
Formatua: denboraldiak, kapituluak
Iraupena
Generoa
Hizkuntza
Publiko mota

2-3 orrialdea: proiektuaren sinopsi motza eta luzea

4-5 orrialdea: pertsonaien deskribapena

6-10 orrialdea: argumentu tratamendua, trama-mapa.

11-13 orrialdea: sekuentzia gidoidun bat

14. orrialdea: Estetika eta estiloa

15-16 orrialdea: hautaketa-batzordearekin partekatu nahi diren materialak proiektua hobeto azaltzeko: erreferentziak, estekak, argazkiak, audioa, vimeorako estekak, etab.

17 orrialdea: asmo-gutuna

18 orrialdea: baieztatutako taldekideak eta horien CV/biografia.

19-20 orrialdea: NANaren edo dokumentazio ofizialaren kopia eta bizileku-ziurtagiria.

Dokumentazioa euskaraz, ingelesez edo gaztelaniaz aurkeztu ahal izango da. Proposatutako orrien banaketa orientagarria da, baina PDFak gehienez 20 orrialde eta aipatutako atal guztiak izan beharko ditu.

6- PARTE HARTZEKO BALDINTZAK

Deialdira aurkezten diren parte-hartzaileek honako baldintza eta konpromisoak bete beharko dituzte:

- Zerga-betebeharrak egunean izatea.
- GS-kiko betebeharrak egunean izatea.
- Ez egotea zigortuta laguntzak edo dirulaguntzak jasotzeko aukera galtzarekin, ez penalki, ez administratiboki, ezta horretarako desgaitzen duen legezko lege-debekuren baten pean ere.
- Tabakaleran egindako lanak erabili ahal izango ditu deialdiaren xede den programaren, edukiaren eta emaitzen berri eman eta herritarren esku jartzeko.
- Deialdi honetako epeak betetzen ez badira, arrazoi gabe, emandako laguntzak eten ahal izango dira, eta hala badagokio, jasotako laguntzak itzuli beharko ditu.
- Deialdi honetan sortutako ikus-entzunezko lanen banaketan eta aurkezpen publikoetan, Tabakaleraren parte-hartzea aipatuko da. Horretarako, beren markak, logoak eta izen komertzialak erabiliko dira (adibidez, kredituetan).
- Tabakalerako espazioak erabiltzeko arauak errespetatuko dira.
- Tabakalerak eskubidea izango du proiektu guztietako ordezkarien parte-hartzea berrikusi, eta, beharrezkoa bada, proiektua edozein momentutan azkentzeko.
- Diru-laguntza jaso ondoren programatik kanpo geratzen diren parte-hartzaileek laguntzaren zenbateko osoa itzuli beharko dute.



7- JABETZA INTELEKTUALA

Parte-hartzaile eta/edo ordezkari guztiek bermatuko dute deialdi honen harira aurkezten diren proiektu, dokumentu eta ikus-entzunezko material guztiak, baita, hautatuak izanez gero, deialdi honetan parte hartu bitartean sortzen diren elementu guztiak ere, originalak direla eta ez dituztela urratzen hirugarrenen jabetza intelektualeko eskubideak.

Oinarri hauek onartuz gero, hautatutako parte-hartzaileek eta/edo ordezkariak baimena ematen diote Tabakalerari jaso dituen edo laborategiko proiektuak gauzatzeko prozesuan sortutako dokumentuak eta testuzko, irudizko edo ikus-entzunezko material guztiak egun ezagutzen ditugun euskarri mota guztietan erabiltzeko, betiere xede bakarra izanik deialdia, haren edukia eta haren emaitzak herritarrei jakinaraztea eta haientzat eskuragarri jartzea, edozein kanalen bidez eta doan. Ondorioz, Tabakalerak eskubidea izango du eduki hori ikusgai jarri eta publikoki komunikatzeko, edozein kanalen bidez, izan proiektua gauzatu bitartean, izan hura bukatu ondoren, epemugarik gabe.

Esandako guztiak ez du eraginik izango autorearen eskubide moraletan, ezta gorago aipatutako dokumentuei eta testuzko, irudizko edo ikus-entzunezko materialei dagokien jabetza intelektualaren ondare-edukiaren eskubide guztien titulartasunean; horiek materiala sortu duten parte-hartzaileen eta/edo ordezkarien esku goten jarraituko dute.

Edonola ere, parte-hartzaile edo ordezkari bakoitzak Tabakaleraren aurrean erantzun beharko die hirugarrenek jabetza intelektualari buruz jar ditzaketen erreklamazio guztiei, honako hauei dagokienez: (i) deialdi honen harira aurkeztutako proiektuak, dokumentuak eta testuzko, irudizko edo ikus-entzunezko materialak eta (ii) hautatuak izatekotan deialdian parte hartu bitartean sortutako dokumentuak eta testuzko, irudizko edo ikus-entzunezko materialak; hala, Tabakalerari kalte-ordainak ordaindu beharko dizkio kontzeptu horiei dagokienez egon litezkeen erreklamazioen harira sortutako kalte eta galera guztiengatik.

Halaber, eta Tabakaleraren markak, logoak eta izena ustiatzeko lizentzia emango die hautatutako parte-hartzaile edo ordezkariari. Lizentzia hori ez-esklusiboa, doakoa eta besterenezina izango da, eta proiektuen testuinguruan

sortzen diren ikus-entzunezko lanak banatzeko eta zabaltzeko aurkezpenetan baino ezingo da erabili.

8- DATUEN BABESA

Parte-hartzaileei edo ordezkarietara jakinarazten zaie oinarri hauek onartuz gero, baimena ematen diotela Tabakalerari eskaera aurkezten den unean eta, hautatuak izatekotan, deialdian parte hartzen duten bitartean emandako datu pertsonalak tratatzeko, eskaera izapidetu eta kudeatu eta berau zabaltzeko lanak egin ditzan.

Datu pertsonal horiek erakunde eta organismo publikoei jakinaraziko zaizkie legez derrigorrezkoa bada. Halaber, deialdian parte hartzeko hautatuak izan diren parte-hartzaile edo ordezkarien irudia eta izenak Tabakaleraren webgunearen bidez edo Tabakalerak bere jardueren berri emateko erabiltzen dituen euskarri ukigarri edo ukiezinen bidez helarazi ahalko zaizkie hirugarrenei, 10. oinarrian ezarritakoarekin bat eginez.

Testuinguru honetan, jakinarazten da datu pertsonal horiek ematea beharrezkoa dela; ondorioz, datu horiek ematen ez badira, laguntza publikoa jasotzeko eskaera ez da aintzat hartuko eta eskatzaileak ezingo du proiektuan parte hartu.

Tabakalerak hautagaitza baloratzeko eta, hala badagokio, deialdian izango duten parte-hartzea kudeatzeko eta lege-betekizunak betetzeko beharrezkoa den epean baino ez ditu gordeko parte-hartzaile edo ordezkarien datuak.

Edonola ere, parte-hartzaileei jakinarazten zaie eskubidea dutela (i) Tabakalerari eskatzeko beren datu pertsonalak atzitzeko, zuzentzeko, ezabatzeko, tratamendua mugatzeko, beste norabait eramateko edo datuen tratamenduari uko egiteko; horretarako, idatzizko eskaera bat bidali beharko diote Tabakalerari, pribatasuna@tabakalera.eus helbide elektronikora, gaia "2de0 serieak 2022" delarik eta datuen titularrak sinatutako gutun bat erantsita (jakinarazpenetarako helbidea adierazi beharko da) eta NANaren kopia batekin. Horrez gain, eskubidea dute (ii) Datuen Babeserako Espainiako Agentzian edo eskumeneko beste edozein kontrol-agintaritzatan



erreklamazio bat aurkezteko, bereziki beren eskubideak errespetatu ez direnean.

9- PARTE-HARTZAILEEN IRUDI-ESKUBIDEAK

Oinarri hauek onartuz gero, deialdi honetan parte hartzeko hautatuak diren parte-hartzaileek edo ordezkariak berariaz ematen diote baimena Tabakalerari (i) beharrezko bitarteko teknikoen bidez (argazkiak, bideoak, etab.) proiektuan izan duten parte-hartzea erregistratzeko, parte-hartze hori Tabakaleraren espazioetan egiten denean eta (ii) irudi horiek eta beren izena Tabakaleraren webgunean eta/edo beste edozein euskarri ukigarri edo ukiezinetan erabili eta erreproduzitzeko, herritarrei deialdi honen xedea, edukia eta emaitzak ezagutarazi eta horiek gizartearen esku jartzeko.

Edonola ere, parte-hartzaile edo ordezkariak jakinarazten zaie edozein unetan dutela baimen hori kentzeko aukera.

10- OINARRIAK ONARTZEA

Deialdi honetan parte hartzen dutenek, bertara aurkezteagatik bakarrik, onartu egingo dituzte oinarri hauek. Eskaeran informazioen bat falta bada, partehartzaileak deialditik kanpo geldituko dira.

Info+: 2deo@tabakalera.eus



2deo^T
Euskarazko
ikus-entzunezkoen laborategia
Laboratorio audiovisual
de contenidos en euskera

Elkarlanean gauzatutako egitasmoa:



SSIFF Donostia Zinemaldia
Festival de San Sebastián
International Film Festival

CROSSOVER[®]
TELESAILEN KULTURA
CULTURA DE SERIES

**KULTURA
GARAIKIDEAREN
NAZIOARTEKO
ZENTROA**
—

**CENTRO
INTERNACIONAL
DE CULTURA
CONTEMPORÁNEA**
—

**INTERNATIONAL
CENTRE FOR
CONTEMPORARY
CULTURE**
—

tabakalera.eus
—